

SECRETARÍA XTI' CULTURA GUIDXIRÓ' MÉXICU, INSTITUTO NACIONAL XTI' BELLAS ARTES NE LITERATURA, LIIBICA' COORDINACIÓN NACIONAL XTI' LITERATURA NE CA XAIQUE GUIDXI PUEBLA, NABÁQUICA' DXIIÑADI' LU NÁ' SECRETARÍA XTI' CULTURA GUIDXI PUEBLA, NE CA XPINNI UNIVERSIDAD DEL GOLFO CENTRO A.C. XTI' UNIVERSIDAD IBEROAMERICANA GUIDXI PUEBLA, GUIRÁCA' CUTIIDICA' DIIDXA'

PREMIU BELLAS ARTES JUAN RULFO GÁCANI DIIDXACAGUITE NIRUDÓ' 2020



SICA NEXHE' GACA' DXIIÑA' DI'

TUUNGA ZANDA CHU' LU DXIIÑADI'

NIRUDO': Zanda chu' lu dxiiñadi', guirá' binni rucaa gule ne cadi gule guidxiró' Méxicu di'. Ca dxu' huaxa que ñale Méxicu, riquiíne' gulu'ca' xqui'chi' Instituto Nacional xti' Migración, ra cá ma nabeza cabe Méxicu xtinu di', ne ma ziné cabe gaayu' iza nabeza cabe cheri'.

BIROPA: Guirá' binnirucua chu' lu dxiiña' di', cadi lá lape' gucaa guseenda', cuaqui' ti lá ne nga guseenda' chu' ne lu huiiidiidxa' di'.

BIONNA: Que zanda chu' lu dxiiña' di':

1. Ca binni ma gucaa Premiu Bellas Artes Juan Rulfo Diidxacaguite Nirudó'
2. Ca binni runi dxiiña' ra Secretaría xti' Cultura nuu Zaguita, ra Instituto Nacional xti' Bellas Artes ne Literatura, ra Secretaría xti' Cultura Guidxi Puebla, ne ra Universidad Iberoamericana Puebla. Zaqueca ca binni chu' nacubi guni dxiiña' ra ca yoo biete di'

XQUIAAPADIIDXA' ZANDA CHU' LU DXIIÑA' DI'

BIDAPA: Ca binni rucaa zanda chu'ca' lu dxiiñadi' ne ti xquiaapadiidxa' nacubi, gaca ni Diidxacaguite Nirudó' guini' nitiicasi, gudxiibaca' xquiaapadiidxa' cubi di' lu bi, ra cá Premios Bellas Artes de Literatura 2020, ti xquiaapadiidxa' cá diidxaxtiá, paca diidxahuala'dxi' riní' ca xpinninu Méxicu di': www.inali.gob.mx/clin-inali/. Ti xquiaapadiidxa' cubi nga rabi cabe ni qui huayunibiá' guidxi nin tindaa ni zeeda lú, ni que huaree lu gui'chi', paca lu internet.

- Xquiaapadiidxa' di' riquiíne' gápani 60 yaza ne cadi tidini 220 yaza ne gácani lu PDF, ca die'lana ca, riquiíne' gaca caní Times New Roman de 12, ca neza die'lana, guixele caní chupa ndaga lu yaza carta, ne riquiíne' guicá lu ca yaza ca xigaba' xtica'. Lu yaza niru xti xquiaapadiidxa' di' riquiíne' guicá lá premiu di', guicá lá xquiaapadiidxa' cuseendatu, ne lá gula'qitu lá tu.

BIGAAYU': Xquiaapadiidxa' guseendatu cá lu diidxahuala'dxi', riquiíne' guini' lu yaza nirudó' xi diidxahuala'dxi' cá ni, laaca riquiíne' guibi'xhini lu diidxaxtiá.

BIXHOOPA': Que zanda guseendatu ti xquiaapadiidxa' caguite lu xti premiu, pa rari' Méxicu, pa xti guidxi dxu', laaca pa ma nexhe' do'ni guireeni gunibia' guidxi ni.

BIGADXE: Pa biseendatu xquiaapadiidxa' di' lu xti Premiu Bellas Artes de Literatura 2020, lu tobi si premiu zanda chu'ni quíteni.

CA BINNI CHINDUUBIA' DXIIÑA' DI'

BIXHONO: Ca biini cutiidi' diidxa' di' nga cui chonna gubeedxe', gubeedxe' nanna xiinga diidxaguie', laaca nga cu' biá' ca xquiaapadiidxa' guidxiña, ne cui tobi ni quiba' guirá' ca xquiaapadiidxa' bidxiña.

BIGÁ': Pa ti gubeedxe' ni chendí lade ca xquiaapadiidxa' guidxiña, runibia' tuuxa ca ni bichiña xhiíña, napa xidé gábini ca binni bindaa huiiidiidxadí, laabe que zanda cu'bia' bexhiíña' tu runibia'be. Ca binni bindaa huiiidiidxadí zuyubi xti gubeedxe' cu'bia' xhiíña' tu guizaaca sicari'.

GUENDARICÁ LÁ

BICHÍ': Ca binni guialela'dxi' guseenda' xhiíña', napa xidé gucaa lá lu internet ra nuu Premios Bellas Artes de Literatura 2020: www.literatura.inba.gob.mx/pbal2020/, rari' ma zanda gucaatu latu, zieegu' lu gui'chi' miércoles 8 lu beeu bigadxe, galaa dxi, iza 2020 di'.

SICA ZANDA GUSEENDATU XQUIAAPADIIDXA' XTITU

CHII BITOBI: Ca binni rucaa rialela'dxi' chu' lu dxiiña' di', riquiíne' guchá ni canabadiidxa' ti gui'chi' zeeda lu internet, laaca riquiíne' gudxiiba' ti PDF xti' xquiaapadiidxa' chi chite lu premiu di'. Cadi guiaanda' laatu gucaatu lu PDF ca, lá xquiaapadiidxa' cuseendatu ne lá gula'qitu lá tu, racá ma zeeda ti yagalana xaguete', guirani guicá ni ne lanahuiini', sicari': obra_seudónimo.pdf.

CHII BIROPA: Lacueza gudii internet ca laatu ti guichi' ra cá xigaba' folio xtitu ne lá premiu ra caguitetu cá, laguni imprimir ni ne laguchá ni ne nату, raqueru' laguni escanear ni ne laguseenda' ni lu correu electrónico ni bidii cabe laatu. Laaca zudii internet ca laatu ti contraseña, lagapa ni, zaquiiñetu ni ti ganda guinábatu comprobante xtitu nuutu caguitetu lu premiu di'.

- Laaca caquiiñe' guseendatu lu correu electrónico premio. juanrulfo@puebla.gob.mx ca PDF xti' ca gui'chi' zeeda xaguete' di':

- Guichi' ra cá tuunga laatu
- Gui'chi' ra cá xtitu xquiapadiidxa' cuseendatu cá
- Gui'chi' ra cudiitu xtiidxatu zanda gutale cabe, cuee cabe lu guidxi, xquiaapadiidxa' xtitu
- Pa dxu' laatu, riquiíne' guseendatu gui'chi' ra cá ma nabéztu Méxicu, ni rudii Instituto Nacional de Migración, lu gui'chi' di' zahuinni pa huandí' ma nápatu gaayu' iza nabéztu rari'

- Lu correu electronicu ca, riquiíne' gucaatu xigaba' folio xtitu, ne lá premiu nuutu guicaatu.

- Lu gui'chi' ra cá xtitu xquiapadiidxa' cuseendatu ca, riquiíne' gucaatu xi dxi nuutu ne gucaatu duubalatu, laaca caquiiñe' gucaatu huandí' guirá' ni caní'tu, ne xquiaapadiidxa' cuseendatu xti xtipetu laa, ne nacubi ni, ti cadi quiba' donda, pa cadi huandí' ni caní'tu, luguiá' ca binni cudii premiu di'.

- Lu gui'chi' ra cudiitu xtiidxatu, zanda gutale cabe, cuee cabe lu guidxi, xquiaapadiidxa' xtitu, pa cueeni premiu di'; riquiíne' gucaatu xi dxi nuutu ne gucaatu duubalatu. Ca binni cudii premiu di', laati ca nga zanda cueeca' xquiaapadiidxa' di' gunibiá' guidxi laa.

CHII BICHONNA: Guseenda' si tu lu correu electronicu guirá' ca gui'chi' canaba cabe, riquiíne' cuéztu guiree folio xtitu lu internet xti' Premios Bellas Artes de Literatura 2020 (laguyubi folio xtitu ca viernes) Dxi ma nápatu folio xtitu, ma zanda guinábatu comprobante xtitu.

- Laguinaba' comprobante xtitu rari': www.literatura.inba.gob.mx/pbal2020/comprobante. Lagapa ni ndaani' computadora xtitu, paca laguni imprimir ni.

CHII BIDAPA: Ma zuxele'premiu di', laguseenda' xquiaapadiidxa' xtitu, laguuya' zieegu' ni galaa dxi **miércoles 8, lu beeu bigadxe, iza 2020** di', lagudxiiba' xquiaapadiidxa'

xtitu, ne ca gui'chi' canaba cabe laatu lu internet, ra cá Premios Bellas Artes de Literatura 2020.

SICA CHENDÍ CABE XQUIAAPADIIDXA' GUSEENDATU

CHII BIGAAYU': Ca binni rucaa que gusaa ca gui'chi' canaba' premiu di', que zanda chu'ca' quíteca' lu premiu di'.

CHII BIXHOOPA': Guiruti' que zanda gutiixhi, paca guchelani'di', ni guluí' ná' ca gubeedxe' gacaxti' premiu di'. Zani' cabe tu guleeni ra guidapa semana lu beeu bigá', iza 2020 di'.

CHII BIGADXE: Dxi ca gubeedxe' guluí' ná' tuunga gacaxti' premiu di', Secretaría de Cultura guidxi Puebla, nezalú ti notariu, zuyubi correu electrónicu xti xigaba' folio gucuaa premiu di', ne zuyubi lu gui'chi', lá binni rucaa gulee premiu di', ne pa guizá' xqui'chi'. Ca folio, xti' binni rucaa biniti, zuxuuxe cabe caní.

XI CHIGUDIICABE

CHII BIXHONO: Binni rucaa cui cabe guicaa premiu di', zudii cabe laa ti diploma ne \$100,000.00 (ti gayuaa bixhiapa bidxichi). Ngasi nga premiu cá, ne que zalaani lu xtuudxi.

CHII BIGÁ': Instituto Nacional de Bellas Artes y Literatura, ne Secretaría de Cultura guidxi Puebla, ne Universidad Iberoamericana laaca' nga guini' neca binni rucaa bilu' ná' ca gubeedxe' guicaa premiu di'. Guiruti' ru' que zanda gabi binni rucaa gucuaa premiu di', de que laa gulee premiu di'.

BIGANDE: Ca xpinni premiu di', laaca nga gábica' guidxi tu laa gucuaani, zabee cabe lá binni rucaa zineni lu internet, ra guidapa semana beeu bigá', iza nuunu di'.

BIGANDE TOBI: Laaca zanda guiruti' cuee premiu di', pa guizaaca sicari' la?, ca xpinni premiu di', zanda guiquiineca' bidxichi xti, gacané ca' ca dxiiña' guendarucaa diidxagubeedxe'.

BIGANDE CHUPA: Ca binni cudii premiu di' nga cuaqui' dxi ne paraa gudii cabe ni binnirucaa guleeni.

BIGANDE CHONNA: Ca binni cudii premiu di', laaca nga quixeca' guirá' ni guniti binni rucaa ziné premiu di', dxi ché' chicao premiu xti' ra cuaqui' cabinni di' gaca' guendanayeche' di'.

TUUNGA XTI' XQUIAAPADIIDXA CUEE PREMIU DI'

BIGANDE TAPA: Gubeedxe' rucaa cuee premiu di', zudii xtiidxa' ca binni cudii premiu di', cueeca' ne gucheechea' xquiaapadiidxa' di' lu guidxi. Ca binni cudii premiu di', zanda gúnica' guirá' ni cá xaguete di' ne xquiaapadiidxa' gulee premiu di':

1. Cuee gutale xquiaapadiidxa' di', modo tiica ne ratiica, pa foto, pa videu, pa copia electrónicu, ra tiica guialela'dxica'
2. Gucheeche xquiaapadiidxa' di' lu guidxi, pa lu gui'chi', pa lu internet
3. Laaca zanda gutale cabe ne gucheeche cabe diidxa' xti' xquiaapadiidxa' di', pa lu xquiaapadiidxa', pa caa lu folletu, catálogo, animación, videu, pa caa modo tiica
4. Zanda gucheeche cabe xquiaapadiidxa' di' lu guidxi, pa caa xtiidxa' xquiaapadiidxa' di', lu ca ni zeeda xaguete di':

- a) Gucheeche cabe ni lu radiu, tele, internet, redes sociales, micrositios, repositorio electrónico, lu celular, paca lu nitiicasi
- b) Lu nitiica ruccheeche lu guidxi xiixa, ni nápanu nagasi, paca lu ni deru' chigunibia'nu
 - Diidxa' cudiitu di', zanda gaca' guirani, pa ca binni xti' premiu di', cadi cuyubi gutoo xquiaapadiidxa' xtitu. Xquiaapadiidxa' bicaatu xtitu ni, guiruti' zanda guni xti.

BIGANDE GAAYU': Laasitu nga stitu xquiaapadiidxa' bicaatu, guiruti' zanda guni xti.

DIIDXA' BIRUUCHU NEXHE'

BIGANDE XHOOPA': Ca gui'chi' ra cá lá binni rucaa biuu lu premiu di', ziaana caní lu ná' Coordinación Nacional de Literatura, INBAL, ne Secretaría xti' Cultura guidxi Puebla, ti ganna cabe panda binni rucaa biuu lu dxiiña' di'. Tu racala'dxi' ganna xi chi gúnica' ca gui'chi' biseendatu, zanda chu' ganna rari': www.literatura.inba.gob.mx/166-aviso-de-privacidad/7143-aviso-de-privacidad.html.

BIGANDE GADXE: Binni rucaa chu' lu premiu di', cayuni xti' guirá' diidxa' nexhe' lu huiiidiidxa' di', guiruti' que zanda gudxi deche guirá' ca diidxa' nexhe chaahui' di', laaca guiruti' zanda tinde, pa neza, pa cadi neza, ca diidxa' nexhe' di'.

BIGANDE XHONO: Guirá' ca binni rucaa que chu' la'dxi' ni guizaaca lu premiu di', zanda tinde, cuaqui' xtiidxa', lu ca Tribunal Federal nuu ndaani' Guidxi México, gabati ru', neca dxu' laa.

BIGANDE GA': Ca ni guizaaca ne cadi cá lu gui'chi' nexhechaahui' di', ca binni gubeedxe' chinduubia' ca xquiaapadiidxa' guidxiña ne ca xpinni premiu di', laaca' si nga guyúbica' xneza ni guizaaca, guiruti ru'.

Lidxi

Secretaría de Cultura del Estado de Puebla
Av. de la Reforma 1305
Col. Centro, C.P. 72000
Puebla, Puebla
Bichugalé: (222) 236 0936
Guixhebiaani': www.sc.puebla.gob.mx

Rari' zanda guidxélatu ni cadi cayénetu

Coordinación Nacional de Literatura
Instituto Nacional de Bellas Artes y Literatura
República de Brasil 37
Col. Centro, C. P. 06020
Ciudad de México
Bichugalé: (55) 4738 6300, ext. 6703
Guixhebiaani': cnl.subdireccion@inba.gob.mx
Yaza web: www.literatura.inba.gob.mx



CULTURA
SECRETARÍA DE CULTURA



INBAL